



Bjørghild Sørheim
Movegen 113
5583 Vikedal

Kontakt saksbehandlar
Birgit Sundbø Hagalid, 51568891

Løyve til å plante utanlandsk treslag til juletreproduksjon, gnr/bnr 65/3, Vindafjord kommune

Bjørghild Sørheim har søkt om å plante fjelledegran til juletreproduksjon på gnr/bnr 65/3 i Vikedal i Vindafjord kommune. Me vurderer at plantinga ikkje vil føre til vesentleg risiko for skader på naturmangfaldet, og gir løyve til planting på dei omsøkte areala. Løyvet gjeld i 10 år og det er sett vilkår til løyvet.

Løyvet er gitt med heimel i forskrift om utsetting av utanlandske treslag til skogbruksformål. Anna lovverk, så som skogbrukslova, forskrift om berekraftig skogbruk, vatnressurslova og lov om kulturminner, er fortsett gjeldande.

Dette inneberer å følgje retningslinene i Norsk PEFC Skogstandard og ta omsyn til blant anna miljøverdiar, kantsonar, vassdrag, myr og kulturminne

Me viser til søknad mottatt 14. februar 2020 om løyve til planting av utanlandsk treslag til juletreproduksjon i Vikedal i Vindafjord kommune.

Heimel

Utsetting av utanlandske treslag krev godkjenning frå Fylkesmannen i samsvar med *forskrift om utsetting av utanlandske treslag til skogbruksformål (25.05.2012 nr 460)*, jf. naturmangfaldlova kap IV.

Søknaden

Du søker om utplanting av 200 planter av fjelledegran (*Abies lasiocarpa*) på eit område på totalt 0,9 daa teikna på kart vedlagt søknaden. Arealet består av to område på 0,4 og 0,5 daa. Dei omsøkte felta har tidlegare blitt beita av småfe. Du opplyser vidare at områda no gror igjen og at du ynskjer å nytte dei til juletreproduksjon.



Fylkesmannen si vurdering

Føremålet med forskrifta er å hindre at planting av utanlandske treslag gjev uheldige konsekvensar for naturmangfaldet. Det er sentralt å sikre at forvaltingsmåla for naturtypar og artar ikkje blir truga av dei framande artane, direkte eller indirekte, jf. naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12.

Kunnskapsgrunnlag og føre-var-prinsippet

§ 8 sett krav om at vedtak bygger på kjend kunnskap. Me legg vidare fram kunnskap me har henta inn om det omsøkte området og treslaget, og eventuelle naturverdiar i og utanfor området.

Det er to omsøkte områder på henholdsvis 0,4 og 0,5 daa. Fyrstnemnde er klassifisert som arealtype innmark, sistnemnde som arealtype skog (Kilden 2020). Områda ligg 15 meter frå kvarandre (Temakart Rogaland 2020).

Arten fjelledelgran er vurdert til låg risiko for spreiring (LO) i Fremmedartslista til Artsdatabanken (2018). Dei omsøkte områda er ikkje innanfor eit verneområde. Det er heller ikkje registrert artar eller naturtypar som er truga eller av nasjonal forvaltningsinteresse (Naturbase 2020, Artskart 2020).

I nærliggande områder er det registrert ein art av nasjonal forvaltningsinteresse – beiteengmott (Artskart 2020). Vikedalselva er registrert som lokalt viktig naturtype (verdi C) (Naturbase, 2020). Det er ikkje registrert verneområde i nærleiken av dei omsøkte områda (Naturbase, 2020).

Me anser at me har tilstrekkeleg kunnskap om utsettingsområda, arten fjelledelgran, og naturverdiane i og utanfor utsettingsområda til å ta ei avgjere i saka slik at føre-var-prinsippet (§ 9) ikkje kjem til nytte. Det er likevel viktig å sikre seg mot at plantefelta kjem ut av kontroll, til dømes ved at trea ikkje får stå til dei når alder for frøspreiing. Risiko for spreiring blir handtert gjennom vilkåra til løyvet.

Samla belastning, ansvar og driftsmetodar

Påverking av økosystemet skal vurderast ut frå den samla belastning som økosystemet er eller blir utsett for (§ 10). I dette høvet kan me ikkje sjå at tiltaket legg beslag på eller er til vesentleg trugsmål mot stadeigne naturkvalitetar, gitt at vilkåra blir følgt.

§ 11 adresserer ansvaret for eventuelle skader på naturmiljøet til tiltakshavaren. Kostnader ved å bøta på eventuelle skader eller førebygge skadar skal dekkast av tiltakshavar, så langt dei er innanfor rimelege grenser. Dette kan innebære fjerning av eventuell naturleg spreiring av treslag planta for juletreproduksjon.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultata (§ 12). Me har ikkje spesielle merknadar til dette i denne saka.

Samla vurdering

Me kan ikkje sjå at planting av fjelledelgran til juletreproduksjon vil vere til vesentleg skade for naturmangfaldet. Det aktuelle treslaget er ikkje knytt til stor risiko jamfør Fremmedartslista (2018) og det er ikkje registrert spesielle naturverdiar som kan bli truga av tiltaket på dei omsøkte områda.



Risikoen for spreiding vil bli handtert gjennom vilkåra, og me kan difor heller ikkje sjå at plantinga vil ha uheldige konsekvensar for arten og naturtypen som er registrert i nærleiken av dei omsøkte områda.

Produksjonsmetoden avgrensar risikoen for spreiding i seg sjølv, men det er likevel viktig å sikre seg mot eventuell frøsetting. Vilråa adresserer difor dette direkte. Det er naudsynt å dokumentere kva tid og kvar plantinga finn stad, å ha rutinar for å hindre spreiding, og avklare kven som har ansvar for å sikre hogst før frøsetting innan løyvd tidsramme. Eit løyve gjeld over fleire år og dette dokumentet må bli gjort kjend og overført til ny eigar samtidig som eit eventuelt eigarskifte skjer.

Ein del av det omsøkte arealet er i dag registrert som innmark i arealressurskart (AR5). Arealet reknast då som eit jordbruksareal. Jordlova seier at jordbruksareal må omdiponerast til skogbruksføremål før ein kan plante til med tre. Dette vil gjelde sjølv om ein har løyve til å plante ut framande treslag. Det er difor sett vilkår om omdisponering og løyvet er fyrst gjeldande for dette arealet når omdisponeringa er godkjent. Ein søknad om omdisponering kan rettast til kommunen.

Vedtak og vilkår

Fylkesmannen gjev med dette løyve til utsetting av fjelledelgran på områda avmerka i kart vedlagt søknaden. Områda er i Vikedal i Vindafjord kommune. Løyvet gjeld i 10 år fram til år 2030.

Det er sett følgande vilkår til løyvet:

- Areal klassifisert som innmark må omdisponerast frå jordbruk- til skogbruksføremål før planting finn stad på arealet. Løyvet for dette delarealet trer fyrst i kraft når omdisponeringa er gjennomført.
- Alle tre som er omfatta av vedtaket skal fellast før dei startar frøproduksjon og seinast 15 år etter planting. Eigaren av arealet er ansvarleg for felling.
- Eigaren av arealet skal ved synfaring kunne vise fram dokumentasjon på kva område og kva tid planting av fjelledelgran fann stad.

Vilkåra for dette løyvet skal gjerast kjend for ny eigar ved eventuelt eigarskifte.

Anna lovverk

Me vil minna om at dette løyvet er gitt med heimel i *forskrift om utsetting av utanlandske treslag til skogbruksføremål (25.05.2012 nr 460)*, og at vedtaket ikkje sett til side anna lov og forskrift.

Juletre- og pyntegrøntproduksjon er å rekne som skogproduksjon. *Lov om skogbruk (27.05.2005 nr. 31)* og *forskrift om berekraftig skogbruk (07.06.2006 nr. 593)* er dermed gjeldande.

Dette inneberer å følgje Norsk PEFC Skogstandard og ta omsyn til blant anna miljøverdiar, kantsonar, vassdrag, myr og kulturminne.

Anna viktig lovverk er *lov om kulturminner (09.06.1978 nr. 50)* og *lov om vassdrag og grunnvann (24.22.2000 nr. 84)*, **då spesielt § 11 som omtalar kantvegetasjon.**



Klage

Du kan klaga på vedtaket innan 3 veker etter du har mottatt dette brevet, jf. forvaltningslova sine reglar. Ein eventuell klage skal sendast til Fylkesmannen i Rogaland. Dersom Fylkesmannen ikkje gjer om eige vedtak, skal klagen handsamast av Miljødirektoratet.

Med helsing

Geir Skadberg
landbruksdirektør

Birgit Sundbø Hagalid
rådgjevar

Dokumentet er elektronisk godkjent

Vedlegg

- 1 Vedlegg_Norsk PEFC Skogstandard_Juni 2016
- 2 Vedlegg_søknad og kartvedlegg